



Broj predmeta: 13-003088/20
Broj akta: 01.1-1413EK-0016/21
Datum, 22.1.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18- prečišćeni tekst, 49/18, 08/19, 10/19 i 32/19), u skladu sa članom 69. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije, broj: 13-003088/20 od 15.01.2021. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se otvoreni postupak za javnu nabavku materijala za tekuće održavanje školskih objekata za potrebe Odjeljenja za obrazovanje Vlade Brčko distrikta BiH (4 lota), koji je proveden na osnovu Odluke o pokretanju postupka javne nabavke broj: 13-003088/20 od 21.10.2020. godine i Obavještenja o nabavci broj: 1157-1-1-699-3-597/20 objavljenim na portalu javnih nabavki dana 27.10.2020. godine, iz razloga što je cijena prihvatljive ponude znatno veća od osiguranih sredstava za predmetnu nabavku, što prema čl. 69. stav (2) tačka e) Zakona o javnim nabavkama predstavlja osnov za poništenje postupka javne nabavke.

Obrazloženje:

U postupku javne nabavke materijala za tekuće održavanje školskih objekata za potrebe Odjeljenja za obrazovanje Vlade Brčko distrikta BiH (4 lota), dostavljene su dvije ponude i to ponuđača: „Mišel“ d.o.o. Brčko i „Braća Karić“ d.o.o. Zenica. Sastavni dio odluke čini i zapisnik o pregledu i ocjeni ponuda. Ponude ponuđača su bile adekvatno pripremljene i dostavljene na način kako je to predviđeno tenderskom dokumentacijom u pogledu načina pripreme, dostave i sadržaja ponuda. Dalje je Komisija ustanovila da su ponuđači kvalifikovani u skladu sa zahtjevima postavljenim tenderskom dokumentacijom. Nakon izvršene računске kontrole ponuda utvrđeno je da su postojale računске greške u ponudi ponuđača „Mišel“ d.o.o. Brčko za lotove 1, 2 i 3, koje su članovi Komisije ispravili, a na šta je saglasnost dao ponuđač. U daljem toku postupka Komisija je prije provedene e-aukcije razmotrila najpovoljnije ponude sa aspekta mogućnosti da se radi o neprirodno niskoj cijeni ponude te je utvrdila postojanje elemenata neprirodno niske cijene na lotu 1 i 4, te je iz tog razloga upućen dopis ponuđaču „Braća Karić“ d.o.o. Zenica sa zahtjevom za pojašnjenje. Ponuđač je dostavio pojašnjenje neprirodno niske cijene, koje je Komisija prihvatila. Nakon provedene e-aukcije za lot 1 i 4, dok za lotove 2 i 3 e-aukcija nije ni zakazivana jer je dostavljena po jedna ponuda, Komisija je ustanovila da su vrijednosti najpovoljnijih ponuda značajno veće od procijenjene vrijednosti ugovornog organa, te je od Odjeljenja za obrazovanje traženo da se izjasne da li su procijenjene vrijednosti realne, te da li se prihvataju ponude sa značajno višom cijenom nego što je to procijenjena vrijednost nabavke. Odjeljenje za obrazovanje je dostavilo informaciju da ne može dati saglasnost na navedeno, jer su ponudene cijene višestruko veće od procijenjene vrijednosti nabavke. Zbog svega navedenog, odnosno iz razloga što je cijena najpovoljnije ponude veća od osiguranih sredstava za predmetnu nabavku, Komisija za nabavke je dala preporuku o poništenju postupka javne nabavke, a sve u skladu sa odredbama člana. 69. stav (2) tačka e) Zakona o javnim nabavkama.

Član 2.

Odluka o poništenju postupka izbora najpovoljnijeg ponuđača stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Odjeljenju za obrazovanje,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.



GRADONAČELNIK

Esed Kadrić